



**ATASSUT**

**UPA14/36-1**

**Gerhardt Petersen**

**09.04.2014**

**Upernaviup eqqaani nunaqarfimmi Innaarsunni oqaluffiliornissamut Naalakkersuisut AIS15-imi 10 mio. koruuninik immikkoortitseqqullugit peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Jens Immanuel, Siumut)

Naalakkersuisut pineqartumut 10 mio. Kr.-nink immikkoortitseqqullugit aaliangiiffigisassatut inatsisissatunut siunnersuut ATASSUT-mit naatsukullammik imaattumik oqaaseqarfigissavarput:

Siullermik ATASSUT-miit nunaqarfik Innaarsuit, minnerunngitsumillu innuttai tamaasa pilluaqqussavagut inoqaleqqaarnerminit ukiunik 100-liilluni nalliuttorsiusamat.

ATASSUT isumaqarpoq oqaluffiliortoqarnissaa pisariaqartoq, Innaarsunni inuttussuseq ineriartornerlu tamaat qiviaannaraanni. ATASSUT-miit isumaqarpugut sanaartugaq oqaluffik nunaqarfimmut Innaarsunnut tulluussagaq tassaassasoq pisariaqartinneqartumut matussusiiisussa.

ATASSUT-miit naggasiullugu siunnersuummut tulluutuutillugu tapiliutissavarput sineriapput tamaat isigalugu nunaqarfinni illoqarfinnilu oqaluffiliornissat aammalu iluarsartuussinissat eqqarsaatigalugit siunissamut pilersaarummik Naalakkersuisut saqqummiussaqaarnissaat pissusissamisoortumik pisariaqartuusoq.

Taamatut oqaaseqarluta ATASSUT-miit siunnersuut Kultureqarnermut Ilinniartitaanermut Ilisimatusarnermut Ilageeqarnermullu Ataatsimiititaliami suliassanngortipparput.